

bšumaihun d hiia rbia ninharlun `uSraiun umadun umadihtun ldilia

. ulab

. u`l`m . u`l`m hurintia

. u`l zauai

. u`l ahai

. u`l ahai hurinia

. u`l šitlai

. u`l abahatai

hazin hukumta uaprišata d apriš ugalil uamar iahia br zakria lnaSuraiia kšiTia umhaiminia uamar `u `tbak haila huia bhir zidqa d bhir bkulhun `ubadia akuat malka d taga traSlia brišia uabad qraba balma d bišia ukadabia hšuka ukabiš uadiauria `u `tbak haila akuat bhiria zidqa huia naSuraia d kušTa badmu `kara msadrana d abid barqa umasiq uarzia bgauh hauilun adiauria lšalmania uiahiblun haila lbhiria zidqa umaška mn zakuatun zaina d bhiria zidqa kušTa uhaimanuta utriSuta uiadita uaprišata uhukumta usibruta umalpanuta ušrara ubuta utušbihta uagra uzidqa unihuta uTabuta umkikuta ukinuta udrisuta ubusma uzahruta utaqunta udakiuta uzakuta ušalmanuta uhiasuta utiabuta uhašabta urnita d hiia urahmuta d kušTa . riš kušTak latihambil miniltak ušiqra ukadba latirhum riš haimanutak haiman bmalka d nhura d aitia uqaiim bkulhin zakuata riš triSutak anat dun napšak riš iaditak latihuia mziga riš prišutak latirmia napšak bqulala riš hukumtak latibad apsus ulatighuk lšalmania riš sibrutak asbar uapriš minilia d marak riš malpanutak puqдания d zakuata mn malpania Tabia latipsiq riš šarak latihalip miniltak blau dilak riš butak utušbihtak mašinta latirhum riš zidqak uTabutak hab zidqa umia lkapnia uSahia riš nihutak rbuta latisab ulatirgaz ulatihuia mziga riš mkikutak šumh d marak mn pumak lanaTar riš kinutak kun napšak uqabil minilia d hakimia riš drisutak latimar mindam d laiadatbia riš mbasmanutak lkul `niš titiaqar riš zahrutak `da hušhbanak uhaizak malil riš mtaqnutak latigar ulatisab mindam d lau dilak riš dakiutak latirmia napšak bTnupia riš zakuatak zakia napšak umindam d snia latirhum riš šalmanutak latisab rbuta `l d rab minak riš haiasutak hus `l nišmata d ania umradpia riš tušbihtak šaba latra d atit minh riš rnitak iuma d napqit mn pagrak riš rahmutak lguT rahmut kušTa luat ahia Tabia d brahmut marak masgia kušTana damia lmuzania d mtaqin d laiit bgauh hargta triSa damia ldaina d kušTa d laiit kadba bmamlalh mhaimna damia l`kara d zara umasiq piria Tabia ušapiria iadua damia lbanaia sdira d bania umpalig biniana bkul šupra prišaia damia lSaiara d Saiar dmauata bkul šupra hakima damia l`umana sdira d bkul Sbuta iada prišaia msadrana sdira damia lšraga nahira d mn smal liamin manhar šarira damia lTura rama d lamSia ziq lmišanuiia mn dukta bhira d buta utušbihta damia ltangara d apik umapik balpia iutrana Taba d ziq maušaT damia `l patura sb`ia d lqudam kapnia mitriS niha damia lpira halia ubasima mkika damia lma d naplia umitbadria bkul dukta d Subianh d marh lamšania sdira damia lšuhba šbiha d abid umkalal umsadar basima damia lTura d piqunia u`lania urihania basimia zhira damia lmaTaraia d kušTa d bkul rašiuta lamitaršia mtaqnana damia lmaljuta mtaqanta d mtaqan Tama bkul pira dakia damia laina taqunta dakita d kul `urbana lamqabla zakaia damia lnaura sqila d kul parSupia bgauh mitaprišia haiasa d haiis damia lšamša d lTabia ulbišia minihra taiaba damia lziqa basima d bkul babia ukauia našim mhašbana d rania umhašib laqama damia lparaša d `sir bit zainh d rania umhašib l`mat mn `usurai mištarina kul man d malia brahmut kušTa damia laba Taba d lbnh ušitlh

mitauzap bhiria ušalmania ‘zdahar urahiq napšaikun mn nikla uaula ušiqra ukadba
uzipa udagluta uharguta ubišuta u‘pikuta uT‘ia ušigša umhaškanuta ukapruta
uqašiuta usakluta uzmara uqlala uzaniuta ubliluta uTizanuta urabuta ruha uramat
ainia uruita urquda ušibia ušihia ušagra d mištābibia bnat anaša uhisma
uqina uaqta usiniuta uhuspa urugza umrara umriduta uzaniuta uhaTiputa d haTpia
uTulmania d Talmia uhatpia ugazlia bišia uTnupia umlaušuta d pagria u`usrana
u`usiana ubusiana d asin ubasin bišia lšalmania usbar pugdania d maraikun nkila
damia lmaḥuna d mTalal bnikla aulana damia lrumana d mn lbr anpia rauzia umn
gauḥ qumana mlia zipana damia `l Sipra Sipar haiuta d mardia habra uramia bqulalia
kulhun rahmia bmuth kadaba damia lsana d midamia brahmḥ d kul dina iadilia
uminiklh lqalh dagala damia liama haTipa d mhaTip spinata d bh biša damia l`lana
marira d mapiq piria sama d muta d piria Tabia litbh haTia damia lbira d mambuga mia
sariia umabga zhira umrara šagiša damia llibta d siana d rmia bmia d kma
d bahšatba šigša napuš qašia damia lhaSaSa d bkulhun ruTbia laraTib sakla damia
lglala ‘u atutak napla ‘u ‘lauak napla haTiabak rbutana damia ldulba šibiha
d šahba baupia upiria lmarḥ lamapiq ulaihib mrida damia lduga šgira d hausia
uriuia litbh marira damia l`luaia d napil bdupša umaslih zidana damia lnura
d iaqda d ziqa daribia hakima d lamsadar aiak baita d laTlala hakima d laTaksa aiak
harta d lalbuša hakima d lamakik aiak naura d lasqil hakima d lasbar aiak susia
d lasarga hakima d labasim aiak makulta d laTama hakima d lašadiq aiak gunda
d lamalka hakima d lamšalam aiak patura d lamSapat hakima d latriSa malalh aiak
baita d ladiša hakima d lataqip aiak nahra d lapuma hakima d lahaiiq aiak arqa
d lamšalma hakima d lazhir aiak spinta d lamalaha hakima kd iatira qalh makik uminilh
pSiha usigiia nhia ušlamḥ qrim sakla kd iatir qalh rurbia uminilh šgiš ukd
masgia mriduta masgia ušlama briša d Sbata mšalim hakima kd iatir malalh mtaqin
udiauria hauia bkulhun šapirata sakla kd iatir malalh mkidib udiauria hauia
bkulhun bišauata hakima kd mšalim šuta triSa bkulhun paiqania d abad u`siqta škiha
hakima dauria triS upaturia maušaT lkulhun šulmania sakla kd iatir bpumḥ hašib
hušbana d aula b`dia mqarib danqia usianqia hakima kd `tlak dina minh dina iahib
mn napšia u`bidatak bnihuta ušlama masgilun sakla kd `tlak dina minh šuta
dakšia uqalh mqašia Sauria lspia mamTia hakima d lahadia aminTul d dilḥ ulau
dilḥ rania sakla sgara bSaurḥ uraqid `u mamlilit mn hakima Taba zadibak
`ubadia Tabia zakuata `u bahšatba bsakla mitqašat mn glala minilh d hakima
lsakla aiak glala d bmiša laraTba minilh d hakima lsakla aiak naura l`uira minilh
d hakima lsakla aiak miTra barqa bišta minilh d hakima lsakla aiak mana hiura
lazgauaia minilh d hakima lsakla aiak miša d purusma lSaiada minilh d hakima lsakla
aiak bastarqa ldabaga minilh d hakima lsakla aiak ptula lgauaia minilh d hakima
lsakla aiak gumria d nura bgu mia minilh d hakima lsakla aiak makluzana
lharašia uduga kpinta lsakla qilalak bkulhun šiTuata sauata lsakla šqul uqabil
minḥ riTna d aula d hakima d amar ana mn qudam sakla lamrahaq hu riša d kulhun saklh
umindam lahakim sakla d šdiq bhakima mihšab man d lau rahmak latibdia
b`bdatak d libia lanhia ulamakik latihišbia br haria `niš d laTalam anašia luat
dina lanizal d qaria ulabid damia lzarnuqa uaula hamilḥ umašqia mia lhabria
d qaria ulabid damia lgabra d snia bdmutia uSaiar Silmia hu banašia lamSia
d niSapir d qaria ulabid damia lkaSara d hauria llbušia d malka ušiqlua minh d qaria
ulaabid damia lTura lTruša d kul zmaria uanamia lašama d qaria ulaabid damia
lbanaia d banta lnapšia labna d qaria ulabid damia lšakaba d šakib bhilmia
gaTil bildbabia kd `tar mn šintia mindam uabid d qaria ulabid damia lpardispan
d klila lnapšia lagdal d qaria ulabid damia ldaian d dina lhurina uailinun lhalin
d qarín ulaabdin d šnut amrin ušnut abdin mn lbar mhauian nišanqia d haimanuta
umn gauaiin hbila hblun aminTul d abdia ulaiadia d Subianḥ d marḥ labid
qarib muta mn hiia šalmania hanik hinun d qrun ušumaiun uabid uma d mamlala
pumaiun lamkadbā hazin hu malala d hakimia d apriš ugalil iahia br zakria

b'urašlam mdinta d iahuTaiia uzakilh iauar ziua hu ukulhun adiauria uhiia zakin
lkulhun 'ubadia sa . hazin raza usidra uaprašata d iahia br zakria hu
sa